

Sammelband I.

N
1
2
3
4
5
6
7
8
9
10
11
12
13
14
15
16
17
18
19
20
21



MISCELLANEA²⁷
JURIS THESESES
NUMINE DIVINO AUXILIANTE

EX
AMPLISSIMI ACADEMICI
SENATUS DECRETO

SECUNDUM STATUTA
PRO LOCO
PROFESSIONIS IN JURE
EXTRAORDINARIÆ
PUBLICÆ ERUDITORUM DISQUISITIONI

scribit

JOHANNES Rmsel /
U. J. D.

RESPONDENTE

JOHANNE CHRISTOPHORO Aurbach
Thuring. U. J. Studios.

Die 7. Mens. Septemb. Anno M DC XCVI.

HORIS ANTE- ET POMERIDIANIS.

REGIOMONTI,
Typis FRIDERICI REUSNERI, SEREN. ELECT. BRAND.
ET ACADEM. TYPOGR. HEREDUM.

AUGUSTISSIMO,
SERENISSIMO AC POTENTISSIMO
PRINCIPI AC DOMINO,
DOMINO
FRIDERICO
TERTIO,
MARCHIONI BRANDENBURGICO,
SAC. ROM. IMP. PRINCIPI ELECTORI
ET ARCHI-CAMERARIO,
IN PRUSSIA, MAGDEBURGI, CLIVIÆ, JULIÆ,
MONTIUM, STETINI, POMERANORUM, CASSUBIORUM, VAN-
DALORUM, ITEM IN SILESIA ET CROSNIÆ
DUCI,
BURGGRAVIO NORIMBERGENSI,
PRINCIPI HALBERSTADII, MINDÆ ET CAMINI,
COMITI AB HOHENZOLLERN, MARCÆ,
ET RAVENSBERGÆ,
DOMINO RAVENSTEINII, ET TERRARUM
LAUENBURGII ET BÜTOVII, &c. &c. &c.
PIO, FELICI, INCLYTO PRINCIPI,
DOMINO SUO CLEMENTISSIMO

Vulgares Juris THESES in fidei & perpetui obsequii
testimonium cum omnigenæ & augustissimæ
Felicitationis, felicissimique Regiminis calidissimo
voto humillimè dedicans

isa canebat

Da

DA veniam Servo, PRINCEPS
AUGUSTE, precanti,
Non nisi vulgares dedicat ille

Theses:

Nil habet, & Nil scit, quod Te sit Principe
dignum,

Sed tamen obsequiō pensat id omne
suō:

Quid magis obsequiō demulcet Principis
aures?

Pendet ab obsequiō Principis una
salus.

Obsequiō Dominum Te Prussia tota supre-
mum,

Excipit, & nunquam deficit obsequiō:
Non me terra quidem produxit Prusica
civem,

Non tamen inde minùs me tenet arcta
fides,

Arcta fides, jurata fides, servanda cuique,
Sive peregrinus, vel quoque natus ibi.

X 2

Quæ

Quæ tibi Prussorum Domino, semel, in-
clyte Princeps,
Est data sancta fides, sancta colenda
mibi.

Sic purò veneror duo Lumina, Numina,
corde,

Præsidet hoc terris, illud & astra regit.
Vivit in ore Deus, Princeps & vivit in ore,
Vivit corde simul Numen utrumque
meò.

Vivit in æternum DEUS, opto, vivat &
ALTER

Tempora, quæ nullus vel numerare
valet.

AUGUSTISS. ELECTORAL.
SERENITAT.

subiectissimus servus

J. Amstel, D.



Um antique Regiomontane Academia jubeant ve-
linterve statuta, ut novi Professorii muneris, quod
Sereniss. ac Potentiss. Electoris Brandenbur-
gici FRIDERICI III. DOMINI MEI
CLEMETISSIMI memorabilis gratia nuper. Et in me cle-
mentissimè contulit, à publica delitationis fiat specimine, nil prius
habendum esse duxi, quàm in eo, quàm licuit citò, facere satis;
Dum autem anceps basi, animòque deliberavi meò, prestaretne
rem thesibus agere potius? an elaboratum juris sistere Thema?
priorem, ut faciliorem, ingressus sum viam, angusti temporis bre-
vitate, Et quotidianis juris Lectionibus, aliisque occupationibus
longiorem materia, cui jam admodum manus, hâc vice exclu-
dentibus deductionem. Has itaque leves Et tenues miscellaneas,
arbitrariòq. ordine locatas, quas tibi, B. L. offero Theses, benignè
accipe, Et, si DEUS animi corporisque vires concesserit, elabo-
ratas juris materias sub meò presidio propediem prodituras, ex-
pecta. Assiste, precor, ceptis DEUS Altissime; tuis auspiciis
omnia aguntur felicissimè.

THESES.

I.
ERubescimus sine lege loqui. Nov. 18. c. 5.

II.
Non malè dicitur, aut applicatur: Ein jeder Fürst ist
Käyser / und Pabst in seinem Lande. arg. l. 21. C. Mand.

III.
Ex primogenitò filiò natus præfertur in Successione Re-
gni aut Principatus secundo genito, aut patruo, licet ad pri-
mogenitum successio actualis nondum fuerit delata. arg. l. 7.
ff. de Collation. l. 177. ff. de Reg. jur. l. 120. ff. eod. l. 1. §. 4. ff. de
Suis Et Legit. hered. X 1

IV. Si

IV.

Si in regno, ubi primogenitus tantum succedit, uno partu duo filii nati, & incuria obstetricum factum, ut nesciatur, quis verè fuerit primus, & post super successione disputetur, non est ex *l. 10. ff. de Reb. dub. quæstionis petenda decisio*, statuendumque, neutrum esse primogenitum, neutrum succedere.

V.

Si testator ejusdem nominis, ejusdemque cognationis, affinitatis, familiaritatis plures habens Amicos ita scripserit: *Titius amicus heres esto*, aut *Titio amico 1000. lego*, & non constet, de quò senserit, neuter est hæres, neuter legatarius, & legatum adjicitur hæreditati. *arg. l. 30. ff. de Testam. tutel. l. 62. §. 1. ff. de hered. instituend. l. 8. §. 3. de Legat. 2. L. 10. ff. de Reb. dub. l. 3. §. 7. ff. de adimend. vel transf. legat.*

VI.

Decisionem casus, si in defuncti cujusdam uxorem gravidam relinquentis testamentò ita scriptum: *si FILIUS mihi natus ex hese sive octo uncis heres esto, ex reliquà parte Uxor mea; si verò FILIA mihi nata fuerit, ex triente sive uncis quatuor heres esto: & FILIUS & FILIA nati sint*, cum isto homine, qui præ omnibus Jctis sapere sibi videbatur antè, & jus Justinianæum supervacuum, naturalemque rationem omnium finiendarum causarum judicem idoneum habebat, ignorantè occurrit Jctus Julianus in *l. 13. ff. de Liber & Posthum. hered.*

VII.

Neque maritus uxori, neque uxor marito præsumitur supervixisse. *arg. l. 9. §. 3. ff. de Reb. dub. l. 32. §. 14. ff. de Donat. inter Vir. & uxor. adeoque, si in pactis dotalibus cautum: Welches Theil des andern todt erlebet / oder überlebet / xc. soll / xc. & ma-*

& maritus & uxor simul mortui, non est locus huic pactitiae
successioni. arg. l. 16. 17. 18. ff. de Reb. dub. Si inter conjuges
tales donatio, quae morte demum confirmatur. Nov. 162. c. 1.
celebrata, praesumitur donatarius conjux supervixisse donanti.
l. all. 32. §. 14. l. 8. ff. de Reb. dub.

VIII.

Si quis Cajo & Titii filio fundum legavit, & Titio nun-
quam natus fuerit filius, non cedit jure accrescendi totus fun-
dis Cajo, sed pars Titii habetur pro non scripta. l. 16. ff. de Le-
gat. 1. l. pen. ff. de his quae pro non scriptis habentur.

IX.

Quantitate legata, v. g. Sempronio & Mevio 1000. Im-
periales lego, si unus eorum juxta §. 8. §. de Legat. defecerit, non
est locus juri accrescendi. l. 7. l. 89. §. 2. ff. de Legat. 2. l. 56. ff. de
Cond. & Dem. l. 29. ff. de Solut.

X.

Non tollitur Legatum, patre, qui filio suo unico Bi-
bliothecam cum hac adjectione: weil ich mich anderwärts nicht
verheyrahten werde / legarat, ad secunda vota transeunte. l. 72.
§. 6. ff. de Cond. & Demonstr.

XI.

Legatum certa quâpiam excaulâ revocatum non de-
betur, licet ea deficiat, dum est impulsiva revocationis causa,
v. g. Titio, quia oscitanter studet, adimo Legatum: si diligens
hic sit in studiis, non debetur. arg. l. 4. ff. de Adimend. vel
Transf. leg. l. 72. §. 6. de Condit. & Demonstrat.

XII.

Conditio, si Titius Rusticus insignia doctoralia adeptus,
aut centesimum aetatis annum impleverit, aut Nobilis filiam du-

X 2

xerit,

*xerit, neque conventiones vitiat, neque in ultimis voluntati-
bus vitatur. arg. l. 4. §. 1. ff. de Stat. liber.*

XIII.

Omissio diei, mensis, anni non vitiat testamentum.
*arg. l. 21. l. 29. C. de Testam. Nov. 107. Et auth. quod sine C. eod.
neque chirographum, l. pen. §. 1. ff. de pignor. Et hypoth.*

XIV.

Quantitas legata exsolvi debet ab hærede in ea mo-
netæ bonitate & valore, qui fuit tempore testamenti conditi,
non mortis testatoris, vel solutionis. *L. 7. de aur. Et arg. Legat.
l. 40. in f. ff. de Leg. 3.*

XV.

Est libera testamenti mutatio, non obstante deroga-
toriâ clausulâ. *L. 4. ff. de Adim. vel Transf. leg. l. 22. pr. ff. de Le-
gat. 3. Solte ich gleich nach diesem ein Testament und letzten
Willen verfertigen / so will ich doch / daß solches nicht gelte /
sondern dieses Testament unverbrüchlich gehalten werde.*

XVI.

Hæres pro parte actione personali in solidum non
potest conveniri, etiamsi bona hæreditaria omnia possideat.
*L. 1. C. si cert. pet. l. 1. C. de hæred. act. l. f. §. f. ff. de contrab.
empt.*

XVII.

Dans alicui rem vendendam in pretio inde redacto
in concursu Creditorum non gaudet prioritare. *L. 52. §. 17.
l. 48. §. f. ff. de Furt. l. 1. ff. de Distr. pign.*

XVIII.

In re à tutore pupillari pecuniâ emptâ competit pu-
pillo dominium. *L. 2. l. 8. §. 1. ff. de Reb. cor. qui sub tut. vel
curat. l. 2. ff. quando ex fact. tut. vel cur. l. 3. C. arbitr. tut.*

XIX. Er-

XIX.

Erronea est opinio eorum, qui putant, pecuniam creditam pupillarem idem hypothecæ tacitæ jus habere in bonis aliorum, qui non sunt tutores, quod habet in bonis tutorum. *arg. l. un. §. 1. ff. de Rei uxor. act.*

XX.

Si proxeneta, cui magni valoris res data, ut 100. acciperet mutuo, eamque interim pignori daret, ducenta acceperit, & reliquum in suum usum converterit, tunc rem oppignoratam repetiturus audiri non potest, nisi integrâ summâ exsolutâ. *L. 2. ff. de Proxenet. l. 5. §. 9. ff. de Instit. act. L. 10. C. de Procur. l. 23. in f. ff. de Minorib.*

XXI.

Mercator merces aliò transmittere rogatus, si in viâ à prædonibus hæ auferantur, à damno est immunis, sustinet autem hoc, qui eas sibi transportari fecit. *L. 13. C. mand. §. 3. J. de Empt. & V. L. 35. §. 4. ff. eod.*

XXII.

Combustis licet ædibus oppignoratis, durat tamen hypotheca in cæmentis, ex quibus alio in loco nova domus fuit extracta. *arg. l. 3. §. f. ff. qui pot. sunt in pign. l. 65. ff. de Evict. l. 16. §. 2. de Pign. & Hypoth. l. 21. ff. de Pign. act. l. 29. §. 2. ff. de Pign. & hypothec. cujus possessor à creditore ad æstimationem conveniri potest. §. 29. J. de R. D. l. 7. §. 10. ff. de Acq. rer. dom.*

XXIII.

Promissio de vendendo juramentò firmata in perfectam de præsentis non transit venditionem. *L. 30. ff. de Reb. cred. l. 11. ff. qui pot. sunt in pign. l. 13. §. f. ff. de Re jud.*

X 3

XXIV. Res

XXIV.

Res ab obærato debitore absque fraude per modum sponfionis, durch eine Wette/ alienatæ per Paulianam non possunt revocari actionem. *L. 13. ff. que in fraud. cred. neque tunc huic est actioni locus, si filius non solvendo existens totam hæreditatem restituerit, vel hæreditatem sibi delatam repudiarit. L. 134. ff. de R. J. l. 19. ff. que in fr. credit. l. 20. cod. h. o. pr. pr. eod. l. 67. §. 1. ff. ad SCt. Trebell.*

XXV.

Olla sive Urna fortunæ, germ Glücks = Topff / licita habetur. *arg. l. 8. 9. §. 1. ff. de contrab. empt. l. 12. l. 13. ff. de Act. empt. modò publicâ prospiciatur autoritate, ne major numerus notarum infelicium injiciatur, quàm fert æstimatio rerum, quæ sorti exponuntur, & ut fortunatæ omnes in urnam conjiciantur.*

XXVI.

Si maritus alteri in casum mortis uxorem suam cum ipsius consensu pollicitus, non habet effectum promissio. *arg. §. 23. J. de Inutil. stipulat.*

XXVII.

Creditori à debitore in instrumento obligationis infamandi indulta libertas, *Er solte ihn vor den und den / re. halten / wo er nicht in termino zahlen würde / non excludit injuriarum actionem, si morosus debitor post afficiatur injuriis. arg. l. 27. §. 3. & 4. ff. de pactis.*

XXVIII.

Si quis eum apud quem lusum esse dicitur verberaverit, damnumve ei dederit, sive quid eò tempore dolò ejus subtractum est, judicium non datur. *L. 1. pr. & §. 2. ff. de Aleat.*

XXIX. Me-

XXIX.

Melius sibi prospicit maritus his formalibus in pactis nuptialibus sibi caveri procurans: Mein Mann soll nach meinem Tod alles haben und behalten. *arg. l. 1. ff. de pact. §. 2. J. de Donat. l. 5. C. de O & Act.* quam istis: Mein Mann soll nach meinem Tod alles erben / und nicht verbunden seyn den Freunden das geringste heraus zugeben. *L. 4. ff. de Adm. & Transf. leg. l. 1. C. de SS. Eccles.*

XXX.

Avari, at divitis hæreditati in damnum proximo- rum inhians optimè sibi prospiciet & gratulabitur, si precibus tantum impetrare valeat, ut ab eò in *unico* tantum *nummo* scribatur hæres: quia in unica re scriptus consequitur totam hæreditatem. *arg. l. 7. ff. de Reg. Jur. §. 9. J. de hered. Instit.*

XXXI.

Certâ pecuniæ quantitate exequiis funeralibus, zur Reich Begängniß / destinatâ à Testatore, & post funeralibus fatis honestè & condignè, sed non ita curatis, ut quantitas destinata integrè absumpta, residuum non cedit funeris curatori, sed hæredi. *L. 88. §. de Legat. 2.*

XXXII.

Sponsione de alterius adventu initâ, v. g. Titius werde nicht auff die Hochzeit kommen / est pro negante & tunc pronuntiandum, si calus *hunc* aut vis major impedierit: militat namque pro eo, quod censeatur respexisse, quid futurum, non quid alter voluerit. Daß selbiger auff das factum seint Absehen genommen / nicht aber auff des Titii voluntatem & propentiam veniendi inclinationem gesehen. *Conf. l. 7. l. 37. ff. de contrab. empt. §. 4. J. de V. Obligat.*

XXXIII. Sal-

XXXIII.

Salvâ justitiæ regulâ, non possunt plures delinquentes
forti aliter committi, quam si sint in reatu planè æquales:
Non ergò sortitioni locus, si aliquis in rixa à pluribus vulne-
ratus, sed ab uno lethiferè, qui tamen nescitur. *L. 22. C. de
Pen.*

XXXIV.

Clandestina non sunt sponsalia, quibus duo testes ad-
fuerunt. *L. 12. ff. de Testib.* etsi alteri contrahentium tantum
fuerint conjuncti, & horum alicui sponsio facta, wenn die Zeu-
gen oder Beystande auff der Braut / und nicht auff des Bräu-
tigams Seite gewesen.

XXXV.

Sponsalia publica priora præferri possunt publicis poste-
rioribus, juramentò, copulâ carnali, aut sacerdotali consum-
matis. *arg. L. 5. C. de LL.*

XXXVI.

Stuprator ad dotationem puellæ haud est obstructus, si
propter sanguinis proximitatem ac vitium incestus matrimo-
nium cum eâ contrahere nequeat. *arg. l. 100. ff. de Cond. &
Dem. l. 17. §. 7. ff. de Ædilit. edict.*


XXXVIII.


Nemo injuriarum agere potest nomine injuriæ sibi il-
latæ in lite, antequam ea lis finita. *L. 10. C. de Injur.*

XXXVIII.

Frater affinis aliave conjuncta persona ob injuriam fra-
tri affini vel consanguineo illatam injuriarum agere nequit.
arg. §. 2. J. de injur. l. 1. §. 3. §. 4. l. 15. §. 7. & §. 24. ff. eod.







00A 6297

ULB Halle

3

002 927 276




h 7 5b. f

VD 11

Reise





27

MISCELLANEA
JURIS THESES

NUMINE DIVINO AUXILIANTE

EX

AMPLISSIMI ACADEMICI

SENATUS DECRETO

SECUNDUM STATUTA

PRO LOCO

PROFESSIONIS IN JURE
EXTRAORDINARIÆ

PUBLICÆ ERUDITORUM DISQUISITIONI

scripsit

JOHANNES Damsel /
U. J. D.

RESPONDENTE

JOHANNES CHRISTOPHORO Aurbach
Thuring. U. J. Studios.

Die 7. Mens. Septemb. Anno M DC XCVI.

HORIS ANTE- ET POMERIDIANIS.

REGIOMONTI,

Typis FRIDERICI REUSNERI, SEREN. ELECT. BRAND.
ET ACADEM. TYPOGR. HÆREDUM.

